

黄山游记

善卷庚桑二洞  
附杭州白龙潭游记



善卷庚桑二洞  
附杭州白龙潭游记  
凤阳明陵

地 823  
925

中国书店标价籤

編 号 本

中国书店(疏)  
册数 1  
定价 0.80

(23)

登录号 2225  
函 / 册

黃山遊記

黃山游記序

余編黃山游記既竣、而以宜興善卷、庚桑二洞、杭州白龍潭、鳳陽明陵各游記附錄于後、或問于余曰、如斯編輯、體例不嫌雜揉乎、余曰、唯唯否否、不然、篇中所列各處、同為江浙名勝、相距匪遙、一擅洞天福地之奇、一耀濺玉瀉珠之景、一為放逐元胡之興王、其考之邱陵、堪資後人憑弔景仰、合之黃山勝景、幾于美盡東南、其應附刊之理由一也、黃山游記篇幅無多、專訂一冊、印資殊不經濟、今以其他三游記併入、蔚成巨製、次第瀏覽、不啻身臨其境、至游程如何簡便、時間如何節省、名勝如何開發、摘要分叙、可為後游者之嚮導、其應附刊之理由二也、滄戰開始、紙張來源漸少、大有洛陽紙貴之概、作者本當局節省日用物品之旨、合印合訂、用紙較省、購閱亦較便利、一舉兩得、其應附刊之理由三也、茲值付諸手民、聊誌數語、以申愚見、至如游記之末、均附有詩章、如荷海勝蹟云爾、

黃山游記

序

內大吟豪贈和、再版時當一併付印、藉供眾覽、既以締文字因緣、亦以留山川勝蹟云爾、  
中華民國二十六年歲次丁丑秋日廣德錢文選叙于杭州上天竺山外山莊

## 黃山游記

古語云「五嶽歸來不看山，黃山歸來不看嶽」是黃山高大磅礴，幽邃雄奇，有駕五嶽而上之。余嘗讀徐霞客黃山遊記云「黃山天下無，吾觀止矣」之句，心嚮往者有年矣。乙亥皖省府聘余為黃山建設委員會委員，早思乘此前往覽觀，耳目所及，有所建議，因人事牽延未果。民國二十六年丁丑五月十六日，趙龍山經理約余同往視察杭徽路歙昱公司情形。歙縣至黃山一段，亦由歙昱公司承租，所以由昱嶺關起至黃山逍遙亭止，皆在歙昱公司範圍以內。是日早余乘小包車，於七點二十分到餘杭站，趙經理已在餘臨公司相候。少頃即行，經過臨安，見功臣塔聳立雲表，功臣山乃吳越錢武肅王發祥之地，婆留井在山下，石鏡山在水口，史冊有名，均為臨安名勝古蹟。距汽車路甚近也。過臨安不遠，有支路往玲瓏山，至藻溪站，亦有支路往天目山，經過於潛昌化，九點

## 黃山游記

五十分到順溪，由杭至順溪約三小時。順溪係一大站，過順溪五公里，即為昱嶺關。因關之左近無平坦處，可以設站，故歙昱公司之順溪站，亦設在關內。此關甚為險要，當浙皖兩省交界之處，有石門中峙，行人必過其下，真有一夫當關，萬人莫入之勢。過關至三陽坑站，經過振鈞、老竹鋪、葉村等站。因前安徽建設廳廳長程振鈞氏，為建設此路之先導者，特立振鈞站以留紀念。三陽坑一帶山路奇險，汽車曲折盤旋而進，幾如由新昌至天台會墅嶺公路相似。由三陽坑至杞梓里站，係單線，何方汽車先到，即由站員先發電話通知。後至者緩開，俟此方之車開過，他方之車再開，以免危險。過杞梓里，經過齊武、蘇村、霞坑、鄭坑店，至大阜站。該處有支路至淳安，過大阜、留村、瞻淇、五里牌、琳村等站，即至歙縣站。歙昱公司總辦事處在馬站，在城外。余等十一點三十分到達，趙經理以余係本公司董事長，介紹站中職員，相談甚歡。趙君並引導余考察一切。

情形即在該站午飯，余見總站面前有大河，河外有山，山上有亭，係新建者，歙縣舊係徽州府治，昔為重鎮，今亦要區，山明水秀，人物挺生，非偶然也。聞曹文正公振鏞之祖墓，距此十里，因時間匆促，不及一游為憾。

十二點十分余等由歙縣出發，經公司右邊過二大石橋，均有十餘孔，聞用款甚鉅，向省屯路進行，未幾至巖寺站，即折入黃山支路，下午二點到湯口，由湯口至逍遙亭約五里，亭係新建，汽車至此停止，步行上山，過逍遙亭，則清潭峯百丈潭兩勝，已在目前，將至紫雲橋，即為黃山警察所在之地，有警察四十餘名，係由廬山調來者，專為保護旅客及維持地面，過橋上坡，即是中國旅行社，遂下榻於此，余等以時間尚早，即先赴附近各處一游，余詳察黃山湯泉一帶，四山高拱，一水中流，溪邊並無平坦之地，皆就山坡砌石坎為屋，各種建設正在進行中，旅行社下首，多係茅舍，即紫雲集，上有紫雲峯故名，現係工人及開

## 黃山游記

### 二

小店者住之，據云將來開作商店區，再令工人等搬讓，旅行社對面即為「一」是「桃花源裏人家」等七字住宅區，山勢均北向，茲將所游之處，約略記之於后。

(一) 中國旅行社位於溪邊，坐北朝南，房屋寬敞清潔，中外人士皆往往之，客多時，房間如不敷用，即於飯廳用番布床歇客，亦稱便焉。

(二) 郵局在旅行社右首，黃山各處信件，皆以此處為總匯。

(三) 天都文物社係樓房，聞亦可住客。

(四) 攬勝亭係新建。

(五) 黃山公園係就溪山之勝，茂林之雅，開作天然公園，入內即見青龍潭，水清見底，發碧綠之色，溪流汨汨，音清可聽，再上有白龍潭，水現白色，但不如青龍潭之大，均具泉石之勝，旁有大石，上書「氣冠羣山」四字，折上至。

(六) 紫雲寺，即茅蓬菴，修竹千竿，秀色參天，穠陰匝地，與寺為隣者，為(七)正道居，即段合肥住宅，合肥兩造共和，大節凜然，惜屋成人亡，不無感慨，此宅以門前有餘地，可散步，故屋朝西向，其實坐北朝南，後有小山，前臨

大溪眼界尤寬也。在正道居西邊石凳上坐之，可以觀人字瀑布。(八)雙溪閣在硃沙桃花兩溪之上，為許大使靜仁斥資新建者。此閣即為大使停驂之所。許公又為開發黃山第一人，再上為(九)某君住宅。地方亦幽雅開敞。余等拾級而下，度白龍橋，至(十)居士林。黃山管理局籌備處即在此。該處為滬上各居士所建，以避暑者。下為(十一)祥符寺。過祥符橋，至(十二)黃山湯泉。未浴之先，余見湯泉右首有巨石，上刻天下名泉四大字。又有石刻上書道人鄭玉子美舊讀書山下寺中云云。明嘉靖馮世雍書。又有石刻上云太子太保汪鉞等游此等字。余入湯泉，見水極清澈，無琉璃氣。水底有石沙，故又名硃砂泉。水泡時時向上，即泉水發出之現象。誠為天下名泉。男女均可浴，惟不可同時耳。如人身不潔，下水垢污悉去，並不用皂，爽快異常。但浴室不大，將來游人日多，即難應付。似宜另行設法。據云間壁正擬另闢一池，以便浴者。惟尚未動工。浴

黃山游記

畢余一人復至居士林。同籌備處辦事員許泰生君赴各處一游，考查出租各地點。畢即返旅行社晚餐。該社每餐每人五角。房間有兩床者四元五角，一床者二元五角。如在大餐間宿用番布床者一元。余等餐畢在門外小坐。月明如畫，寒氣逼人。余與趙君商之，既至黃山而天都蓮花諸峯又在望。既已見主人之面，自應往觀，亦不辜負名山勝景。故決計撥冗一游。即晚由旅行社代定轎夫。每轎三名，每人每天八角。須供給飯食。每餐二角。住宿一角。均有規定之價目。各處一律。余等準備以獅子林為次日住宿之所。計劃既定，遂高臥焉。十七日早六點出發。沿山路行，經雙溪閣折上慈光寺之路。所歷各處，分列於下。(一)聽濤亭。(二)慈光寺。未至之先，過一亭，有對聯云：一過此成仙侶，回來無俗人。一寺之門額上書明萬歷重建。入內見正殿已毀，僅存其基。後殿及左廂尚各有數間。規模不大，但該寺地勢甚佳。如余住黃山，當覓住該處，較為幽

靜且相距溫泉不遠，時可浴焉。(三)千人鍋，即在寺內，今只有石址，未見其鍋。址係石砌圓形，傳係唐時之物，又有(四)法眼泉，(五)硃砂洞，(六)普門塔，諸勝塔上書明賜紫開山普門禪師全身等字，塔前有貝葉四株，枝葉並茂，足資欣賞。寺左有木牌指示赴半山寺文殊院之道，仰望天都，鉢盂、紫石、紫雲、蝦蟆諸峯，均歷歷在目。(七)硃砂洞一帶，有溪泉之美，峯巒之秀，人云黃山松奇，石奇，均可於此處見之，而天都峯下大溪中流水有聲，如同鳴琴，一種清雅之音，幽靜之景，真非筆墨可以形容者。如在此處建黃山公園，較之雙溪閣下之公園，幽美多矣。(八)鶯谷石，(九)飛來洞，(十)度生橋，可望五老峯，(十一)半山寺，有舊式洋房一所，並非廟宇，無他可觀，不過供行人休息，與轎夫飲茶而已。湯泉至此八里，由此至文殊院七里，在寺前可望。(十二)金鷄石，恍如鷄形，俗稱金鷄叫門簾，有石刻「空中聞天鷄」等大字，經(十三)閻王壁，(十四)龍蟠

黃山游記

石(十五)橫雲石，(十六)天門坎，(十七)天都峯，此峯高出雲表，恍與天齊，故名天都，穿(十八)雲巢洞，覽(十九)觀音石，上(二十)別有天，見前海門峯巒競秀，有「觀止」二大字，該處四面奇峯特起，左顧右盼，美不勝收，故有觀止之語。(二十一)蒲團石，穿(二十二)卧龍洞，過(二十三)度仙橋，出(二十四)一線天，(二十五)蓬萊三島，穿(二十六)文殊洞，余等穿過數洞，均極險要，曲折盤旋，真乃仙境。(二十七)飛魚石，(二十八)迎客松，(二十九)文殊院，該院在石岩之上，後坐石屏峯，前有羣峯拱秀，左有仙都峯，右有蓮花峯，地位極為雄壯，院前有(三十)文殊台，名人題字甚多，余等進院，據僧人云，天晴乏水，赴山谷中取水，約二三里，尚未回，先以豆腐漿一盞給余等飲之，味甚美，遂在此午飯，往來游人或住於該處，或在此午飯，繼續不絕，是日遇游客兩三起，廟中有對聯云：「孤雲卧此中，萬山在其下。」係許承堯手筆，飯畢即行。

十二點出文殊院，見（三十一）送客松，（三十二）立雪台，前望松鼠跳天都，後觀玉屏峯，在此遠眺，誠有萬山皆在其下之實景，遠望赴鰲魚洞之石級，與仙都峯之石級，遙遙相對，可稱極險要之道路，古語云：「不到文殊院，不見黃山面。」誠實情也。余等自文殊院下石坡，如羊腸鳥道，頗不易行，過（三十三）閻王壁，（三十四）蒲團松，（三十五）蓮花洞，看（三十六）蓮花峯，此峯較天都峯尤高，是日大風，不獨乘轎恐被風吹倒，即轎夫抬空轎亦屬難行，趙君與余商之，天都蓮花二峯頂，路甚危險，又值颶風，既仰觀已得大概，似可不必再登峯造極，冒此危險，余韙其言，登絕頂之念作罷，余等經過（三十七）百步雲梯，即至（三十八）鰲魚洞，（三十九）鰲魚峯，俗謂鰲魚背金龜，未至此洞之先，蓮花溝中有羣猴百餘頭，在溪澗飲水，余等只顧登石級而上，氣喘湍湍，然未暇他顧，故未見之，因轎夫以百步雲梯不抬之故耳，在余等之後，有挑貨夫二人見之。

黃山游記

云猴不畏人，因人亦無加害者，人行山谷中，不論人數多少，均屏聲靜氣以行，如萬籟皆寂之概，故猴在山溪間，亦未聞人聲也，余等穿過鰲魚洞，即至（四十）鍊丹台，為前後海天然界限，亦即歙縣太平二縣分界之處，（四十一）平天缸，（四十二）天海，該處雖在萬山之中，而地勢平坦，有如原隰，故曰天海，古曰海子，東南為前海，東北為後海，西為西海，是為黃山中之四海，（四十三）香砂池，（四十四）隱泉茅蓬，有僧支一小屋，煮茶待客，余等在松下小坐品茶，趙君取小松數株帶回，以作盆景，在天海之右，有（四十五）光明頂，此頂圓形，視之并不高，有云高亞蓮花，亦有云高逾蓮花，石岩上刻有「天空海闊」四字，如登光明頂，則黃山三十六峯，均可遙為指點，是光明頂乃黃山最適中之處，故遊者在文殊院尚不知有後海，在獅子林亦不知有前海，如登光明頂，則四海皆在目矣，現在飛機日形發達，天海又極平坦，如加以整理，即以天海為飛機

場、遊黃山者、即以該處為升降之處、更以光明頂建設極大旅館、如同瑞士山頂旅館、(有五百間之多)遊客坐飛機至此、既可免跋涉之勞、而仙都蓮花諸峯、皆在目前、前海西海與後海、亦遙遙相望、即不行走、亦可飽覽黃山三十六峯之景、誠快事也、以星期六下午由滬飛來、星期日下午返滬、比較汽車之時、間尤為經濟、自天海至獅子林、此路稍較平穩、不似以前險惡、遙望(四十六)西海、奇峯較前海尤多、將至獅子林、則又見(四十七)後海諸峯、挺立如春筍、更大觀也、余初不知以峯稱海之意、嗣經人解釋、云黃山前海門、西海門、及後海、全是海島之峯、并非普通之山、故以海名、此種命名、誠有卓識也、(四十八)獅子林、地勢亦平坦、在高山中開一大平原、後坐(四十九)獅子峯、前朝貢陽山、秀麗無比、他山多石、獨此係土山、樹木茂盛、泉水亦佳、余等於二點三十分抵(五十)獅子林精舍、右為圓通寶殿遺址、余等進舍後、稍為休息、即出登(五

黃山游記

十一)清涼台、石上刻有「清涼世界」四字、登台觀後海諸峯、尤為清切、余同獅子林主持岫奇和尚、由獅子林左首向赴雲谷寺之路行、不遠有毀廟基一處、在此基上觀(五十二)始信峯、奇巧天成、為後海第一奇峯、可與前海天都峯並美、(五十三)仙人下棋、(五十四)丞相觀棋、又有(五十五)石筍峯、(五十六)夢筆生花、(五十七)筆架峯諸勝、故覽後海奇峯、更令人觀止矣、清涼台對面刻有「天開圖畫」四字、何繼昌書、以此四字稱之、則恰合後海風景也、余等回獅子林、登圓通寶殿遺址、石礎皆備、尚未建築、登此基見西海門諸峯、挺立、如面壁僧石等、其形逼肖、西海門亦美觀、有人云西海山深林密、或有虎豹、但遊人日多、虎豹或亦不敢出林、故與遊人無礙也、

遊畢回獅子林精舍晚餐、岫奇和尚招待周至、渠係鎮江金山寺主持、新由中國佛教會推荐來此、主持此廟、但受黃山管理局籌備處之指揮、該處素菜尚精

美比之文殊院為佳也。該廟自岫奇來後，大加整理，房屋亦刷新，楚楚可觀。精舍上亦有獅子林廟，在獅子峯之下，有佛堂。因山勢高，故遊人多住下廟。獅子林有警察二名住廟保護，係由湯泉警察所派來者。該處雖在山頂荒野之區，然地方甚平安。是晚到獅子林住宿，有遊客三四起，故獅林精舍殊形熱鬧也。十八日早六點出發，離獅子林不遠，有支路向雲谷寺進行，遙望（一）散花塢一帶，山花怒發，尤以千葉杜鵑花為多。初夏盛開，粉白黛綠，姹紫嫣紅，嬌豔欲滴。其本極大，高有三四丈者，生於深溝中，花枝招展於路旁，恍如女招待歡迎遊客。然爭先恐後，不下千百株，花多結成球，每球狀類牡丹，其大可知。五色皆備，美麗無比。真平生所未見者。山高氣寒，故花遲，然開之甚久。此種山花，不經人扶植，天然茂盛，生長於深山窮谷之中，為世人所罕見，即見之以為尋常之花，不加注意，良以心目中只在山巒之挺秀，不在乎羣花之美麗，故易忽略也。

黃山游記

山中多山樂鳥，鳴聲悠揚，如奏絲竹。花香鳥語，景物宜人。人云黃山雲奇、松奇、石奇，余加以花奇，可稱四美。行未遠，經過（二）慧明橋，路旁有一巨松，頂平身粗如斗，高不及丈，當亦數百年物。由此松分路，一至（三）白鶴峯，一至始信峯。余等向前進，即至（四）白鶴嶺，左為白鶴峯，與仙都峯相對。由白鶴嶺下坡，山勢陡峻，如下雲梯，險要亦甚。如一失足，墜於萬丈深坑，其險可知。有數處轎夫云不能抬，仍步行下山。過一木橋，山勢漸低，路亦稍平。由獅子林至此已十里。（五）白沙砭，余等八點鐘到。（六）雲谷寺，在客堂飲茶，休息片時。該寺有新建蓮社，皆佛教中人所居之處，地方極為幽靜。昔稱為丞相源，乃宋丞相程元鳳讀書處。寺為紅羊之亂毀去，至今未建。寺址尚存。後坐（七）羅漢峯，前對（八）香爐峯，形勢極佳。而出山又不遠，地勢又較平坦，誠為佛門修養者極好之處也。雲谷客堂，係新建者，明窗淨几，極為幽雅，可供憩息。如余等早知有此佳處，

應至雲谷寺住宿耳。余等飲茶畢，並稍進點心即行。經過明孽庵大師塔，俗稱為丞相墳，觀畢由山坡曲折上下，石路崎嶇，且有數處石級，相距太高，亦有無石級者，由丞相墳起以下道路，殊不易行。此處似非修理不可，否則行旅不便也。（九）仙人榜，（十）珍珠嶺，（十一）九龍瀑布，一曰九龍潭，所謂九龍者，瀑布每停一處，即有一池清水，共有九處故名，實在係飛泉九疊之意。因多日未雨，水勢不大，故瀑布亦小也。（十二）苦竹溪，有黃山勝境坊，該村適臨汽車路，此路一至湯口，一至太平縣，地方風景亦佳。早一日曾囑汽車於本日下午一時至此，余等到此，尚在上午九點二十分，故汽車未至，只得乘原轎至湯口，約五里，否則由該處上車，時間更省矣。余等半小時到湯口，十點一刻乘車離湯口，十二點抵歙，昱公司午餐，餐畢赴公司車庫考查。趙經理將各種關於汽車應用之件，引余詳觀，該處停車場，規模亦大，余等觀畢，即乘車回杭，過順溪，昌化，

## 黃山游記

八

餘杭各站，稍加休息，抵杭已鐘鳴六下矣。

黃山游記作者雖不乏人，遠如徐霞客，近如海內名賢，對於黃山亦多記載，但徐之游記不甚詳，以今日行路之觀察，似不合宜。紀遊之作，應注重時代化，並以交通為轉移。曩者一月半月始能遍遊，今則數日矣。往往去年道路之交通，不及今年之便利，他如黃山溫泉，始則只有一處，今擬開為兩處。（一）現已有夫役浴處，（二）其他建設之進步，更一日千里，故紀遊之作，愈近則狀況愈顯。余善忘，每至一處，必思將所遊之處，筆之於冊，以為他日復遊之參考。且余對於黃山之整理，亦稍有所貢獻，故黃山游記，似不能不作。惟游期甚短，紀事不詳，謬舛遺漏，當所不免。閱者諒之，茲將建議各事分列於后。

### （一）公園之布置

黃山建築，日有進步，將來人口增加，附近散步，似不可無較大之公園，現

有之黃山公園、係在溪邊、限於地畝、規模窄小、似不能容納多人休憩、其最合宜之處、莫如慈光寺一帶、該處山環水抱、地勢亦稍平坦、且坐北朝南、藏風聚氣、夏日避暑尤宜、慈光寺稍上之處、已見天都諸峯、即就山谷、泉石天然之景、闢為公園、稍加布置、所費不多、即闢作住宅區、留一部作公園、亦不在是字桃字等區之下、况離茅蓬庵不遠、道路一經整理、往來便捷、與溫泉相距亦近、將來實為住宅區之中心點、今闢為公園、最為相宜、今欲整理黃山、應放大眼光、為永久之謀、此應商榷者一也、

(二) 獅子林之整理、

黃山峯巒之佳、前已言之、而高山中不易見平原、獨獅子林有之、該處局勢開敞、樹木茂盛、土質極佳、恍如置身於平地、不見其高、而西海、後海、羣峯環拱、如百獸之朝王、且坐北面南、陽光充足、地勢之佳、環境之美、在高

黃山游記

九

山中以平原論者、當推是處為第一、惟舊屋數椽、不堪駐足、雖現有僧岫、奇稍加修理、然游人日多、仍感不敷、該處不獨供游人往來住宿、即夏日避暑、亦是極好之地點、應設法另建新屋、並將環境加以整理、以便游人、如由湯泉來者、多住是處、如由苦竹溪來者、亦住是處、是獅子林適當黃山之中心、故該處之整理、似不可緩、此應商榷者二也、

(三) 雲谷寺之交通、

雲谷寺在半山之中、羅漢峯枕其後、香爐峯當其前、形勢極佳、又地勢平坦、四山環抱、誠清淨佛地也、刻有人在羅漢峯下建屋兩層、以為好佛者進修之所、該寺為紅羊所毀、地基尚存、基之左有新建之客堂、可供遊人休憩、地方清潔、泉石幽奇、誠他處所不及、惟道路不治、遊人為苦、所幸由獅子林至雲谷寺、多係下坡之路、如係由雲谷寺上山、則更苦矣、故此路

亟應多加石級，大事整理，以便行旅，此應商榷者三也。

(四) 道路之修理

黃山道路雖較前已好數倍，但尚有數處或道路太狹，或石級全無，一遇陰雨路滑難行，偶一失足則危險極矣。為慎重起見，似應早為之計。說者謂修路易，籌款難，此語誠然，刻雖無款，然應設法捐募。凡游黃山者，按人捐修路費若干，專為修路之用，集腋成裘，逐年修理，自有完成之一日。如不及早辦理，未修者固屬難行，即已修者亦有時被山水冲壞，愈令行人相戒裹足。如道路平坦，則游客衆多，否則游過一次，則下次不願重來，以興嗟行路難耳。故欲黃山之發達者，應在道路之整治，此應商榷者四也。

(五) 轎夫之組織

黃山管理局籌備處，應責成黃山轎夫頭，明白規定幾名轎夫，可以常抬上山，不必游人步行。(危險處例外)幾名轎夫不能常抬，游人應在某處下轎步行，一一在通衢用木牌標示，如是行之，游人即估量自己腰腳如何，為僱用轎夫多少之計劃，刻下毫無組織辦法，轎夫二名，固使游人不斷有步行之事，即有三四名轎夫，亦時請游人下轎步行，如規定後，轎夫無可推諉，今不明白規定，不問轎夫若干名，中途必請游人步行，游人腰脚健者，固可步行，設不健者，亦強其跋涉，故游人甚以為苦，實與黃山前途大有關係，似不可稍忽，然轎夫能抬與否，與道路亦有關係，如道路整理完備，轎夫更無可藉口，此應商榷者五也。

黃山偉大，中外馳名，游者固多，提倡應力，茲將所游名勝，擇要各撰一詩，計三十首，使未游者讀之，如至其境，亦開發名山之微意也。倘蒙海內吟壇賜和，再版印入，藉締文字因緣，為名山點綴，則幸甚矣。

游黃山七絕三十首

硃砂泉 (即湯泉)

下湧浪花如趵突，中涵溫液似華清。滌除塵垢襟懷爽，勒石留題早著名。

紫雲寺 (又名茅蓬庵)

迴環左右都修竹，此寺原來勝綠天。無數篔簹庵一座，最宜消夏翠篁邊。

正道居 (段合肥避暑山莊)

背山面水夕陽村，何異溫公獨樂園。憑弔蒼茫生感慨，於今正道幾人存。

雙溪閣 (許大使停驂小閣)

硃砂掩映傍桃花，聞道曾停使者車。開闢黃山功第一，他年退隱傲烟霞。

居士林

白龍橋過現雲林，蒼萃羣賢勝景尋。官舍相連嚴保衛，塵氛無擾共高吟。

黃山游記

十一

慈光寺

寺基咫尺近溫泉，夙仰慈光照大千。殘舍數楹塵劫換，游蹤小憩恍登仙。

硃砂洞 (慈光寺硃砂洞一帶)

洞天福地此中探，石俊松奇萬象涵。倘使公園新建設，吟儔游侶盡停驂。

半山寺

行人到此足勾留，四壁雲山一望收。汲取泉流烹茗便，宜晴宜雨境清幽。

金鷄石

像形石壁孰留題，空際如聽喔喔啼。到此劉琨應起舞，不須午夜早聞雞。

天都峯

嘉名何故錫天都，高矗雲霄氣象殊。玉宇瓊樓相尺五，扶搖我欲碧空趨。

別有天

疊嶂層巒四面環，別開生面畫圖間。巖題觀止傳千古，飛鳥浮雲自往還。  
文殊洞

相連數洞勢盤旋，風景清幽土石堅。似有旃檀香接引，游人疑佛亦疑仙。  
文殊院

巍巍禪院石崖巔，形勢雄奇景物妍。四壁名人題詠徧，登臨小憩亦前緣。  
立雲臺

游揚立雪侍伊川，此地緣何立雪傳。當是高僧尊說法，生徒環聽講台前。  
蓮花峯

蓮花座湧最高峯，俯視岡巒隔幾重。祇為風狂行路險，未登極頂快游蹤。  
鰲魚峯

神翁昔上金鰲背，此日鰲魚頂上行。溪畔野猿相見熟，飲流曾不畏人聲。  
黃山游記

鍊丹臺

此地何來葛稚川，鍊丹台聳白雲邊。界分宣歙鴻溝畫，雲海還看判後前。  
前海門

黃山四海獨居前，地處東南日色妍。形勢當陽風景好，雲天軒露萬峯連。  
天海岡

環境崎嶇此獨平，四圍山色向人迎。何當曉起攜樽至，席地翹看旭日明。  
西海門

天海奇峯數最西，晚霞落日兩淒迷。山禽啼後游人少，扶杖登臨細品題。  
後海門

後海奇峯蔚大觀，天開圖畫昔賢刊。岡巒爭出如春筍，風月無邊眼界寬。  
光明頂

極頂憑臨地適中，堪稱海闊與天空。摩岩題筆分明在，指點羣峯處處通。  
獅子峯

盤谷泉甘土亦肥，此峯景物恰依稀。長林古木叢生處，清蔭垂垂日影微。  
獅子林

遺殿荒涼倚夕昏，數楹精舍白雲村。游人到此堪留駐，靜聽歸巢鳥語喧。  
清涼臺

拾屐扶筇終日忙，乘風到此覺清涼。談經喜有僧人伴，貝葉花開四遠香。  
始信峯

峯巒奇幻羨天成，後海斯為最著名。豔說好山今始信，吟懷逸興盎然生。  
杜鵑花

何時天女散花來，種落山塢到處開。萬紫千紅顏色麗，騷人過此共徘徊。  
黃山游記

雲谷寺

名傳蓮社座生蓮，俗慮蠲除好問禪。舊是相公吟詠處，顏垣今倚夕陽邊。  
丞相墳

何年丞相葬衣冠，寶塔明明佛子安。此是彼非誰判別，荒塋數尺任凋殘。  
九龍潭

九疊飛泉號九龍，貫珠濺玉看重重。山如文字何嫌曲，似有層雲久盪胸。

善卷庚桑二洞紀游

民國二十六年丁丑三月十二日，余由廣德掃墓回杭，道出長興，久慕陽羨風景，擬觀善卷庚桑二洞之勝，因長興至宜興道路不遠，相距一大站，設不乘便往游，如他日由杭州至宜興，不獨時間不經濟，即車費亦鉅，且已僱有汽車，一站之路，油費亦屬有限，遂決計將汽車折入京杭國道，逕赴宜興，途中見太湖之水，奔騰東注，浩無邊際，風帆上下，漁歌互唱，風景極佳，襟懷一暢，車由太湖邊山路行，越長興界至宜興，經過善卷庚桑二洞之支路，因天色已晚，恐就地無處投宿，不如先至宜興城，逆旅暫憩，次早再游二洞，時間較為寬舒，是晚遂下榻於宜興，住三新旅社，將行李安頓後，出外散步，知宜興向產泥茶壺，有珠紫白三種之分，以珠色為最貴，紫色次之，白色又次之，余將各種選購數具，攜歸以作紀念。

善卷庚桑游記

十三日早七點一刻，由宜興驅車先至善卷洞，約六十里，八點一刻到達，余等下車見有一牌樓，題善卷福地四字，係徐雲石手筆，旁書本洞分上中下後四部，上洞曰雲洞，中洞曰樓洞，下洞曰瀑洞，後洞曰船洞，除船洞兩壁皆水外，餘三部皆可容千人，民十年五月開始修理，至民二十三年告終等字樣，又見另一牌樓，上書江南第一洞，夷考善卷洞關於周幽王時，又名龍岩，相傳善卷子隱此，故名，余在洞外先購芒屨，以防路滑，並僱人持汽燈作嚮導，茲將嚮導人所言，並目見情形，略述於下，時間匆促，傳述簡略，容有缺漏，閱者諒之。

(一) 萬古靈蹟 (二) 諸佛道場 (三) 須口 (四) 善卷中洞 (五) 游善卷者須先由此洞入 (六) 經塔 (七) 小須彌山，上有小石佛，高可二丈許，下圍約丈餘，上僅數尺 (八) 觀音海島 (九) 象王 (十) 獅王 (十一) 十八羅漢 (十二) 天泉壇 (十三) 如來寶座 (十四) 欲界仙都 (十五) 地藏宮 (十六) 雲口 (十七) 夏涼